


福建協和大學惠存

苦齋主人敬贈

中國之固有道德

唐文治敬題





中華民國三十七年八月初版

中國之固有道德 一冊

定價金圓 柒角

外埠酌加郵費

編著者 錢 王 偉

印行者 苦 齋 主 人

印刷者 廣 華 印 刷 廠

發售者 廣 益 書 局

上海河南路一三七號

柳序

閱舉世之霽晦。集聖哲儒先典訓。昭示國族。斬障橫流而拊崩崖。甚感意也。第所昭示者。能讀否。仍視其幼學之根柢。幼而習是語。長而數聞是語。得是書。則反鉛熟復。自不能已。若勝衣就塾。至於冠立。邈乎其不相涉。且曰此死文字。胡足讀。故孔子曰。民可使由之。不可使知之。又曰。性相近也。習相遠也。移風易俗。惟習爲樞。習之所成。雖強莫奪。孟子曰。一齊人傳之。衆楚人咻之。雖日撻而求其齊也。不可得矣。引而置之莊嶽之間數年。雖日撻而求其楚。亦不可得矣。今之世。楚咻之世也。錢王君是書。一齊傳也。吾讀是書。懼其不能敵楚咻也。雖然。習之爲力固偉。要亦視時之悠短。是書所述。吾先民習之二千年矣。今世之所習。財數十年耳。衡覽今民之習。則是書疑若鑿枘。縱觀國族之習。則其潛力之內蘊者。非今之習所能迨其萬一也。則以前民之習。藥今民之習。如大禹之導山導水。匪鑿也。因也。雖若舉齊語於四面楚歌之中。實不啻返之莊嶽也。君曩在都。恆辱不棄。商榷論述。睽別十許年。君書告成。札責弁言。爰據管蠡。質之高明。三十七年夏五月。鎮江柳詒徵。

朱序

國於天地之間。必有興立。由之則治平可致。舍之則敗亡立見。亙千古而不渝。任顛撲而不壞者。其惟道德乎。崇德錢先生卓英。慨近世風氣日下。怒焉憂之。乃輯爲中國之固有道德一書。就吾國之四子書及五經中。採綴其菁英。凡一言一事之切近於日用。而可以有益於當今之世者。條分而縷析之。以類相附。復加以詳細淺顯之註釋。旁徵博引。文理密察。其用力亦勤矣。隔歲之春。國璋奉命長國立上海商學院。來滬籌備復校。時先生在甄審委員會爲總務主任。兼臨時大學補習班教授。以何校長柏丞之介而相識。僅數面。卽深相契合。遂聘請主持商學院訓導。兩載以來。備悉先生寬厚弘毅。知弭患未然。能從容應變。是博學而篤行。不徒以言見也。先生講學南北各大學。閱十餘年。既久於教育。積其經驗。每能於講授之際。觀察學生之性格。循循善誘。多方啓導。酌古準今。深入淺出。諸生薰其德而欽其學。咸能潛移默化。敦品勵學。而不自知其日進於業也。是書也。乃先生本其平生之抱負。而發爲文章。以期見諸事業。而挽狂瀾障百川者也。余既讀先生之書。益以見其志。乃不辭而爲之序。以介紹於當世云。

中華民國三十七年六月。吳興朱國璋。

祁序

有清一代文學推桐城。桐城之隆。姚姬傳之功居多。姬傳主義理攷據詞章不可偏廢之說。咸同之際。其徒大盛。流風餘韻。歷百餘年而不替。民國之初。新文學興。而桐城馬通伯姚仲實及其弟叔節猶謹守其鄉先正之遺法。益嚴古文學之壁壘。不因是而稍沮也。崇德錢先生嘗受經於馬氏之門。又修業北大。從姚氏問古文義法。膏沐桐城之澤。復通究中外哲人之書。往來南北。修明絕學。喪亂之際。避地上海。爲東吳大學教授。於是寇焰煽張。東南盡陷。文人學士之託租界者。咸氣慄不敢稍出聲。獨先生慷慨以明恥教諸生。租界旋陷。寇禍愈烈。乃絕人事。以自全其節。其辛苦蓋有非人所堪者。困吝憔悴之中。纂次古今法度之言凡九卷。曰中國之固有道德。又爲之訓釋而闡發之。孜孜甚用力者十餘年。蓋猶奉桐城三者不偏廢之說。於是先師吳江金公方授經於吳。先生因就正其所著書。先師美之。當世民國三十有七年。龍威任教上海法學院。先生仍講學於滬。晨夕侍從。鈇聞緒論。世變方亟。同好之士咸懼斯道之從此泯也。固請先生不秘其書而督序於予。因爲言其學術淵源如此。門人常熟祁龍威。

自序

國之建立·必有所本·根本鞏固·雖亂可治·雖弱可強·否則決難倖免·古今中外無二道也·我國自唐虞時·以五教牖民·賴孔孟之發揚光大·而深入人心·嗣茲以降·代有賢哲·故國勢時有盛衰·而民德罔弗優厚·觀西晉之亡·五季之亂·姦邪橫行·綱紀圯敗·而依仁蹈義·舍命不渝者·猶有人在·而宋明末造·志士仁人之高風義舉·尤足以廉頑立懦·此乃中華民族精神之蘊育·卽我立國之根本也·慨自歐風東漸·識時髦俊·傾心歸向·倣效矜誇·無所不至·其尤甚者·竟誣蔑我固有之文化·盡斥爲迂闊陳腐·而歐美之精神文明·實未嘗有所心得·踰閑蕩檢·全無忌憚·一唱百和·落籬盡撤·遂致禮義掃地·廉恥寢聲·至日寇憑陵·荼毒神州·夙負時譽者·且不惜覲顏事仇·甘心附逆·於是庸愚草偃·敵燄燎原·國勢之危·如懸絲矣·幸主席高瞻遠矚·堅決抗戰·忠義軍民·奮起赴難·全國志士·願爲後盾·卒能掃蕩巨寇·還我河山·然大難雖夷·人心未淑·貪墨之吏·時出於政海·越貨之事·迭發於都市·奸邪穢醜之迹·仍充塞閭閻·斯誠有心世道者所引爲重憂也·俾幼乘庭訓·長承師教·不自揆度·欲以聖賢之言行·發世人之深省·自一二八之役·蒿目時艱·卽立志謹擇

四書五經中之顯明易知者。節錄而詳釋之。綴輯先哲時賢之讜論。以闡揚其精意。而管窺所及。亦竊附焉。奔走衣食。時有輟作。歷十有四載。至今年秋。規模粗具。乃遵教育部規定之國訓。分爲忠孝仁愛信義和平八類。有包含衆德不能分屬者。則別爲總論。凡九卷。三十萬言。冀讀是書者。知我國自有博大精深之文化。恢復其自尊心與自信力。內修乎身心。外發爲事業。更採歐美之所長。以充實其識量。則挽狂瀾而障百川。固國本而致太平。可操券而待也。若有博雅君子。正其疏漏。共存國粹。尤偉之所翹企焉。

中華民國三十四年十二月十日崇德錢王倬謹撰

此書屬稿時。諸承柳丈翼謀許丈潛夫教導。旣告成。友人李樂天先生屢欲爲之付梓。倬以樂天家非素封。未敢許也。至今年春。又來告曰。苦齋主人願斥資印行。俾旣感苦齋濟世之志。重樂天誠篤之意。而祁生龍威等亦迭請問世。乃大加刪削。因朱肖琴先生介廣益書局排印發行。而所費已甚鉅矣。至校讎之勞。老友王麟伯先生臂助至多。徐紹裘先生亦有力焉。謹附誌之。以申謝忱。三十七年七月一日倬記。

凡例

一 此書纂述目次·爲忠孝仁愛信義和平總論·共爲九類·每類一卷·皆四書在先·五經繼之·春秋經則首左傳·以公羊穀梁次之·

二 文中有忠字者·編列忠類·有忠之性質者·亦附入焉·自孝至平七類·體例均同·有兼及兩類以上者·視其性質之輕重而歸納之·不宜分列者·則編入總論·

四 注釋各有根據·四書以馬師通伯之大學中庸誼詁·姚師仲實之論語述義·姚先生叔節之孟子講義爲主·而朱子之大學中庸章句·論語孟子集注·劉氏寶楠之論語正義·焦氏循之孟子正義·皆爲重要之資料·五經以馬師之周易費氏學·詩毛氏學·吳師北江之尚書大義·陳氏澧之禮記集說·春秋三傳之注疏爲主·而朱子之周易本義·詩經集傳·蔡氏沈之書經集傳·朱氏彬之禮記訓纂·洪氏亮吉之春秋左傳詁·周易尚書毛詩禮記注疏·皆爲重要之資料·他如康熙字典·經籍纂詁·辭源·辭海等及所引各種書籍·亦參考焉·

五 先哲時賢之說·皆注明出處·其未見本書者·則注某書引·

六 按語多有感而作·因歲月環境之變遷·措辭亦不盡相同·要以健全身心·有益世道爲宗旨·

中國之固有道德卷一

忠

曾子○曰：吾日三省吾身○。爲人謀而不忠乎○。與朋友交而不信乎○。傳不習乎○。

論語學而

○曾子：孔子弟子。姓曾。名參。字子輿。古時所謂弟子。卽今之學生也。○吾：我自稱也。省：悉井反。察也。曾子以下述三者。日省察其身。有則改之。無則加勉。○爲：助也。盡己之謂忠。言助人謀事。得無不盡己之心力乎。○與：及也。同門曰朋。同志曰友。信：誠也。從人從言會意。言與朋友結交。得無不誠信乎。○魏何氏晏論語集解：言凡所傳之事。得無棄不講習而傳之乎。而宋朱子熹論語集註：則云傳謂受之於師。習謂熟之於己。似宜從集解說。

宋金氏履祥曰：此三事乃及人之事。常情所易忽。故曾子於此三事日省吾身。恐以爲不切己而有所不盡也。論語集註考證

季康子問使民敬忠以勸。如之何○。子曰○。臨之以莊則敬○。孝慈則忠○。舉善而教不能則勸○。論語爲政

○季康子：卽魯大夫季孫肥。康其諡也。諡者：古時於人死將葬之時。列其行誼而作之。所以勸善

而懲惡也。以。猶與也。季康子問孔子。使民敬上盡忠與互相勸勉。其方法宜如何也。○子。孔子也。子曰。孔子之言。以下皆同。○自上泄下曰臨。莊。端重而有威嚴也。執政者能臨民以莊。則民敬其上矣。○言執政者能孝順父母。慈愛民衆。則人民自然感化而盡忠矣。○民中有善者則舉用之。其不能者則教誨之。則人民必互相勸勉而樂於爲善矣。

子曰。參乎。○吾道一以貫之。○會子曰。唯。○子出。門人問曰。何謂也。會子曰。夫子之道。忠恕而已矣。○ 論語里仁

○孔子呼曾子之名而告之。參音森。○宋邢氏曷論語疏云。貫。統也。言我所行之道。惟用一理。以統天下萬事之理也。○唯者。恭敬之應辭。曾子已深明吾道一以貫之意。故逕應之曰唯。○受學於孔子之門之人。○夫子。猶言先生長者。本爲尊卑貴賤之通稱。惟論語所載。多屬師門。遂相沿爲師之專稱。盡己之謂忠。推己及人之謂恕。而已矣者。竭盡而無餘之辭。言孔子之道。雖變化萬殊。貫之則一也。

姚師仲實永樸曰。諸家於一貫。或以誠言。或以仁言。或以孝言。夫論語以求仁爲要。大學中庸歸宿在誠。孝經又爲諸經之總匯。說各有本。而曾子但曰忠恕者。誠仁孝之所指雖殊。要皆心之德也。忠則盡己之心。恕則推己之心以及人。故言忠恕。而心之體用具於是。誠仁孝之德括於是。卽道貫於是。孟子盡心之學。此其原與。論語述義

子以四教①。文②行③忠信④。

論語述而

①孔子教人。以此四事爲先。②文謂詩書禮樂。③行謂德行。④忠是盡心。信是據實而言。
宋程子曰。教以學文修行而存忠信也。忠信本也。

論語集註

孔子嘗爲委吏⑤矣。曰會計當⑥而已矣。嘗爲乘田⑦矣。曰牛羊茁壯長⑧而已矣。

孟子萬章下

⑤委吏。主委積倉庾之吏。⑥會。合也。計。會也。算也。零星算之爲計。總合算之爲會。當。直也。言其數相直。多少無差。⑦乘田。主苑囿之吏。⑧茁。生長貌。茁壯。言其貌肥好也。長。大也。

唐蔚芝先生文治曰。生人之所以安身而立命者。厥有二端。曰性分。曰職分。性分者。吾性中所當守之分。不可踰閑者也。職分者。吾職內所當守之分。不容越限者也。安分而後知足。知足而後無求。無求而後自樂。惟聖人爲能樂天。孔子之言曰。會計當而已矣。牛羊茁壯長而已矣。其安分樂天之誠。溢於言表。愚人不安分。終身爲營求之事。終身無知足之時。以至捐廉恥而不顧。遭刑戮而不悔。哀哉。

孟子新讀本

俾按有才氣而處下位者。往往悲憤其不遇。而不樂盡心於職務。以爲是區區者。

鳥足以勞吾之思慮哉。一不屑爲之心橫互胸中。而其弊或竟同於無能之人。不知事之小大。本無確定。小之中有更小者。大之中有更大者。我既不嫌其小而屈就。卽當盡力而爲之。及成績既著。自有主持公道之人。若竟人不我知。亦可問心無愧。否則小事不能稱職。適足以自隳其名譽。又安能有上進之望乎。夫以孔子之聖。其爲委吏乘田。猶必曰會計當。牛羊遂。讀孔孟之書者。宜如何自勉哉。子張○問曰。令尹子文三仕爲令尹。無喜色。三已之。無愠色○。舊令尹之政。必以告新令尹○。何如○。子曰。忠矣○。論語公冶長

○孔子弟子顓孫師。字子張。○令尹。官名。楚國上卿執政者也。子文。姓闔。名穀於菟。已。去也。言子文三爲令尹之官。而無喜悅之色。三去令尹。而無怨恨之色也。○言子文在新令尹上任時。必將自己任內之政事告知之。○子張問孔子。子文之爲人何如。○孔子謂子文行爲如此是忠臣也。

秋。申公鬬般殺子元。鬬穀於菟○爲令尹。自毀其家。以紓○楚國之難。左傳莊公三十

年
○鬬穀於菟字子文。楚人謂乳曰穀。謂虎爲於菟。子文初生於邲。虎乳之。故名。穀。奴走反。於晉烏。菟晉徒。○紓晉紓。緩也。

傳按子文三仕三已。略無喜愠之色。且能以舊令尹之政告新令尹。蓋知有國而不知有己。宜其能毀家紓難也。

子張問政。○子曰。居之無倦。○行之以忠。○

論語顏淵

○子張向孔子問爲政之道。○居謂存諸心。無倦則始終如一。○行謂發於事。以忠則表裏如一。

子曰。愛之能勿勞乎。○忠焉能勿誨乎。○

論語憲問

○愛。好也。猶言喜之也。人必習勞。乃能成事。愛之而勿勞之。是養成其怠惰。適足以害之而已。○誨。教也。導也。人必納誨。乃能爲善。忠焉而勿誨之。則漸入於驕縱之途矣。

宋蘇氏軾曰。愛而勿勞。禽犢之愛也。忠而勿誨。婦寺之忠也。愛而知勞之。則其爲愛也深矣。忠而知誨之。則其爲忠也大矣。

論語集註

傳按此章言愛與忠之道。爲父兄師長者宜知之。爲子弟學生者更宜知之。而爲朋友者。亦不可不知之也。

子張問行。○子曰。言忠信。行篤敬。雖蠻貊之邦行矣。○言不忠信。行不篤敬。雖州里行乎哉。○立。則其參於前也。在輿。則見其倚於衡也。夫然後行。○子張書諸紳。

論語衛靈公

○子張問孔子。人當如何。而後可通行於世。○言忠信者。謂言語發自中心。不爲違心之論以欺人。

也。篤。厚也。行篤敬者。謂行爲敦厚而謹敬也。蠻爲南蠻。貊。亡百反。北狄也。南蠻北狄。皆古時野蠻之人。謂言忠信而行篤敬。雖在野蠻人之國中。亦可以通行也。②二千五百家爲州。五家爲鄰。五鄰爲里。州里猶言本鄉。行乎哉。言不可行也。謂言不忠信。行不篤敬。雖近在本鄉。亦不可通行也。④其者。指忠信篤敬而言。參。言與我相值也。輿是車。衡是車前橫木。言譬如靜而立時。似乎有一忠信篤敬在我目前。動而在車中時。似乎有一忠信篤敬在車前之橫木上。如此念念不忘。隨其所在。常若有見。然後可以通行矣。⑤紳音伸。衣帶之垂者。書之紳。欲其不忘也。

唐蔚芝先生曰。忠信篤敬。雖蠻貊亦敬之。不忠信。不篤敬。雖州里亦賤之。言行榮辱之樞機。學者可不慎哉。 論語新讀本

子曰。君子不以口譽人。則民作忠。故君子問人之寒。則衣之。問人之飢。則食之。稱人之善。則爵之。國風⑥曰。心之憂矣。於我歸說⑦。 禮記表記

⑥食音嗣。⑦詩經曹風蟋蟀篇。⑧說。詩經晉稅。此則晉悅。言虛華之人心夢矣。我今歸此所說忠信之人也。

宋呂氏大臨曰。君子力可以周人之窮。則不徒問其飢寒。必有以衣食之。勢可以進賢。則不徒譽之而已。必有以爵祿之。故曰不以口譽人。 禮記訓蒙

儒有席上之珍以待聘⑧。夙夜強學⑨以待問。懷忠信以待舉⑩。力行以待取⑪。其自立

有如此者。禮記儒行 孔子答魯哀公之言

○席猶鋪陳也。珍謂美善之道。言儒能鋪陳往古堯舜之善道。以待問也。大問曰聘。○早夜力學。○見舉用也。○進取位也。

宋呂氏大臨曰。君子之用於天下。有待而不求。其學也。足以爲天下用。非志於用而後學。席上之珍。自貴而待賈者也。禮記訓纂

唐蔚芝先生曰。儒者。需也。四待字皆所謂需也。故需者。乃出處之慎重。非辦事之迂緩也。禮記大義

上思利民。忠也。左傳桓公六年 季梁告隨侯語

傳按忠之一字。意義甚廣。而作忠於職務解。此語實爲確切之證據。自忠於職務之義晦。而獨夫民賊遂得恣睢無忌憚。而蒼生乃不勝其荼毒矣。故特表而出之。以見昔賢之解此字。不僅限於臣僕之對君上。卽爲君上者。亦應忠於其職務也。

九月。晉惠公卒。懷公命無從亡人○。期期而不至。無赦○。狐突之子毛及偃○。從重耳在秦。弗召。冬。懷公執狐突。曰。子來則免。對曰。子之能仕。父教之忠。古之制也。策名委質。貳乃辟也○。今臣之子。名在重耳。有年數矣。若又召之。教之貳也。父教子貳。何以事君。刑之不濫。君之明也。臣之願也。淫刑以逞。誰則無罪○。臣聞

命矣。乃殺之。左傳僖公二十三年

○亡人指公子重耳。卽晉文公。○約期而不歸。殺之無所赦。○僎是子犯之名。○名書於所臣之策而君事之。則不可以貳心。辟。罪也。○若欲濫刑以快君心。誰無可加罪之辭。

秦伯○伐晉。濟河焚舟○。取王官及郊○。晉人不出。遂自茅津濟。封○殽尸而還。遂霸西戎。用孟明○也。君子是以知秦穆公之爲君也。舉人之周○也。與人之壹○也。孟明之臣也。其不解○也。能懼思○也。子桑○之忠也。其知人也。能舉善也。詩曰○
○。于以采芣。于沼于沚。于以用之。公侯之事。秦穆有焉○。夙夜匪解。以事一人○。孟明有焉。詒厥孫謀。以燕翼子○。子桑有焉。左傳文公三年

○秦穆公。秦本伯爵。故稱秦伯。○示必死也。○王官及郊。皆晉地。○封。埋藏之也。○孟明。姓百里。名視。此其字也。○周。備也。不以一惡棄其善。○無二心。○不以敗軍而生解怠之心。解音懈。○能知懼而思改其行爲。○公孫枝。字子桑。是舉孟明者。○詩經國風采芣篇。○言沼沚之繁至薄。猶采以供公侯。以喻秦穆公不遺小善。○此二句見詩經大雅烝民篇。夙。早也。匪。非也。解音懈。○此二句見詩經大雅文王有聲篇。詒。遺也。燕。安也。翼。成也。美武王能遺其子孫善謀。以安成子孫。言子桑有舉善之謀也。

傳按豪傑之士所以異於衆人者。爲其有偉大之志。與剛強之氣也。故當其失敗之時

· 惟知努力奮鬥· 而無絲毫萎靡之態· 卒能雪舊恥· 樹功業· 孟明· 其一例也· 然無穆公之知人善任· 則孟明者· 固一挫於殽· 再蹶於彭衙之敗將· 雖敗而猶用之· 終得其力以霸西戎· 此昔賢所以重知己之感· 而感稱明君賢臣之相遇合歟·

賈季奔狄· 宣子○使臾駢送其孥○。夷之蒐○。賈季戮○臾駢· 臾駢之人欲盡殺賈氏以報焉· 臾駢曰· 不可· 吾聞前志有之曰· 敵惠敵怨○· 不在後嗣· 忠○之道也· 夫子○禮於賈季· 我以其寵○報私怨· 毋乃不可乎· 介○人之寵· 非勇也· 損怨益仇○· 非知也· 以私害公· 非忠也· 釋此三者· 何以事夫子· 盡具其孥與其器用財賄· 親帥扞○之· 送致諸竟○· 左傳文公六年

○宣子即趙盾· ○孥音奴· 妻子也· ○是年春· 晉蒐於夷· 以謀軍帥· 蒐音搜· 春獵爲蒐· ○戮辱也· ○敵猶對也· 言有恩惠· 有怨讎· 與我敵對者· ○忠恕· ○夫子· 指趙宣子· ○言己蒙宣子寵任· ○介· 因也· ○○殺賈季家· 欲以除怨· 宣子將復怨己· 是益仇也· ○○扞· 保衛也· ○○竟音境·

晉侯○觀于軍府· 見鍾儀· 問之曰· 南冠而縶○者· 誰也· 有司對曰· 鄭人所獻楚囚也○· 使稅○之· 召而弔之○· 再拜稽首· 問其族· 對曰○· 泠人○也· 公曰· 能樂乎· 對曰· 先父之職官也· 敢有二事○· 使與之琴○· 操南音○· 公曰· 君王何如· 對曰·